

ՀԱՅՈՑ ԵԿԵՂԵՑԱԿԱՆ ՏԱՐՐԱԿԱՆ ԴՊՐՈՑՆԵՐԻ

ԺԱՄԱՆԱԿԱԻՈՐ ԿԱՆՈՆՆԵՐԸ

I. ԸՆԴՀԱՆՈՒՐ ԿԱՆՈՆՆԵՐ

Յօդ. 1. Տարրական դպրոց կոչւում են երկամեայ, չորսամեայ և վեցամեայ դասընթացք ունեցող ուսումնարանները:

Ծանօթ. Ամեն մի դպրոց կամ եկեղեցի կարող է առանձին մանկապարտէզ ունենալ:

Յօդ. 2. Տարրական դպրոցի նպատակն է տալ երկու սեռի սաներին տարրական ընդհանուր ուսում և կրթութիւն՝ համապատասխան աստիճանի դպրոցի համար սահմանուած ծրագրի ծաւալով:

Յօդ. 3. Տարրական բոլոր դպրոցները կարող են լինել խառն, այսինքն երկու սեռի սաների համար:

Յօդ. 4. Դպրոցական կառավարութեան ասպարէզում ընտրել ընտրուելու, այլ և պաշտօն վարելու իրաւունք ունեն Հայոց եկեղեցու բոլոր իրաւասու անդամները, առանց հոգեւորականի ու ժողովրդականի և սեռի խարութեան, բացի այս կանոնադրութեան մէջ յատկապէս յիշուած դէպքերից:

II. ԴՊՐՈՑԱԿԱՆ ԱՆՄԻՋԱԿԱՆ ՎԱՐՉՈՒԹԻՒՆ

Յօդ. 5. Իւրաքանչիւր տարրական դպրոցի ընթացիկ գործերի անմիջական վարիչներն են նոյն դպրոցի ա) Հոգաբարձութիւնը, բ) Մանկավարժական խորհուրդը, գ) խառն ժողովը և զ) Տեսուչը:

Ա) Հոգաբարձութիւն:

Յօդ. 6. Հոգաբարձութիւնը կազմուած է երէցփոխից և 2—4 հոգաբարձուներից, որոնց ընտրուած է ծխական ժողովը 3 տարի ժամանակով և հաստատուած թեմական առաջնորդից, Բացի հոգաբարձուներից ծխական ժողովը ընտրուած է նոյն թւով անձնափոխանորդներ: Հոգաբարձուներն իրենց միջից մէկին ընտրուած են նախագահ:

Յօդ. 7. Գլխիցի ամբողջ տնտեսական մատակարարութիւնը հոգաբարձութեան գործն է. նա կազմուած է գլխիցի նախահաշիւը և իւրաքանչիւր տարուայ վերջը ներկայացնում է տնտեսական մասի տեղեկագիր թեմական առաջնորդին և ծխական ժողովին: Հոգաբարձուները իրաւունք ունեն ներկայ լինելու դասերին, քննութիւններին և մանկավարժական խորհրդի նիստերին առանց ձայնի իրաւունքի, այլ և իրաւունք ունեն հարցապնդումներ անելու Մանկավարժական խորհրդին՝ ուսումնական հարցերի վերաբերմամբ:

Բ) Մանկավարժական խորհուրդ.

Յօդ. 8. Մանկավարժական խորհուրդը կազմուած է գլխիցի բոլոր ուսուցիչներից տեսչի նախագահութեամբ:

Ծանօթ. Այս կանոնադրութեան մէջ «ուսուցիչ» բառը գործ է ածուած անխտիր բոլոր դասատուների համար:

Յօդ. 9. Մանկավարժական խորհուրդը տնօրինում է գլխիցի ուսումնական վիճակը, հսկում է ուսումնական ծրագրի, կանոնադրութեան ուսումնական մասի և իր որոշումների ճիշտ գործադրութեանը, քննում է ուսումնական տեղեկագրի նախագիծը և վերջնականապէս խմբագրելով ուղարկում է մի-մի օրինակ Հոգաբարձութեան և թեմական Առաջնորդին:

Գ) Խառն ժողով.

Յօդ. 10. Խառն ժողովը կազմուած է բոլոր հոգաբարձուներից և ուսուցիչներից՝ տեսչի նախագահութեամբ:

Տեսչի բացակայութեան, այլ և նրան վերաբերեալ գործերի քննութեան դէպքում՝ Խառն ժողովն իր միջից ընտրում է մի այլ ժամանակաւոր նախագահ:

Յօդ. 11. Խառն ժողովի իրաւասութեանն են պատկանում:—

ա) թէ՛ ուսումնական և թէ՛ տնտեսական բնաւորութիւն ունեցող խնդիրները:

բ) ուսումնական հարցերի առթիւ Հոգաբարձութեան և Մանկավարժական խորհրդի միջև ծագած թիւրիմացութիւնները:

գ) դպրոցի պաշտօնեաների դէմ յարուցած բողոքները:

դ) տեսչի և ուսուցչի ընտրութիւնն և պաշտօնից արձակելը:

Եւ անօթ. Նոր դպրոց բացուելու ժամանակ կամ ամբողջ ուսուցչական կազմի լուծուելու դէպքում՝ տեսչի ընտրութիւնը կատարում է Հոգաբարձութիւնը:

ե) Կազմել տարեկան ակտեր, որոնց ժամանակ կարդացւում են դպրոցի տնտեսական և ուսումնական տեղեկագիրները:

Դ) Տեսուչ.

Յօդ. 12. Տեսչին ընտրում է Խառն ժողովը և առաջարկում է առաջնորդին ի հաստատութիւն: Եթէ երեք շաբաթուայ ընթացքում մերժում չստացւի, ընտրութիւնը համարւում է վաւերական:

Եւ անօթ. 1. Տեսչի ընտրութիւնը սովորաբար կատարւում է ուսումնական տարուայ վերջին (մայիս-յունիս):

2. Թեմական Առաջնորդի մերժումը պիտի պատճառաբանուած լինի:

3. Եթէ Խառն ժողովը համակերպւում է մերժման պատճառաբանութեանը՝ անմիջապէս ձեռնարկում է նոր ընտրութեան:

4. Թեմական Առաջնորդի մերժման դէմ Խառն ժողովը

կարող է բողոքել Կենտրոնական Ուսումնարանական Խորհրդին օգոստոսի 1-ից ոչ ուշ:

5. Բողոքելու դէպքում՝ մինչև Կենտր. Ուս. Խորհրդից պատասխան ստանալը Խառն ժողովը ժամանակաւոր տեսչի պաշտօնակատար է ընտրում Մանկավարժական Խորհրդի անդամներից մէկին, բայց ոչ տեսչացու ընտրուածին:

Յօդ. 13. Տեսչի պաշտօնից արձակելու առաջարկը կարող է անել Խառն ժողովի իւրաքանչիւր անդամը և Թեմական տեսուչը: Առաջարկը պիտի լինի գրաւոր և պատճառաբանուած: Խառն ժողովը քննում է առաջարկը, դադանի քուէարկութեամբ որոշում է անում, և եթէ որոշում է արձակել, այս որոշումը պատճառաբանուած ուղարկում է Թեմական առաջնորդին ի հաստատութիւն:

Ման. օթ. Այսպիսի որոշման համար պահանջւում է Խառն ժողովի ամբողջ կազմի (հաշուելով նաև նիստից բացականներին) ձայների $\frac{2}{3}$ մասը: Այս վճիռը ի կատար է ածւում առաջնորդի հրամանով, իրաւունք վերապահելով փոքրամասնութեան բողոքելու և արդարութիւն ու ամբողջ տարուայ ռոճիկ պահանջելու:

Յօդ. 14. Տեսուչը նախագահում է Մանկավարժական Խորհրդին, վերահասու է լինում կանոնադրութեան ուսումնական մասի, ծրագրի և Մանկավարժական Խորհրդի որոշումների ճիշտ գործադրութեանը և իր տեսածի մասին զեկուցանում Մանկավարժական Խորհրդին: Հսկում է դպրոցի կարգապահութեանը, կազմում է տարեկան ուսումնական տեղեկագրի նախագիծը և ներկայայնում Մանկավարժական Խորհրդին:

Տեսուչը պարտաւոր է դպրոցում դասեր ունենալ՝ ըստ կարելոյն սահմանափակ թուով, և դպրոցական պարապմունքի ժամանակ դպրոցում գտնուել: Բացառիկ և ծայրայեղ դէպքերում տեսուչն իրաւունք ունի ուսուցիչներին ժամանակաւորապէս հեռացնել պաշտօնավարութիւնից՝ մինչև Խառն ժողովին զեկուցանելը, որը պէտք է անմիջապէս հրաւիրուի կարգադրելու:

Ե) Ուսուցիչներ.

Յօդ. 15. Ուսուցիչներին ընտրում է Խառն Ժողովը տեսչի առաջարկութեամբ և առաջարկում է Թեմական առաջնորդին ի հաստատութիւն:

16) Ուսուցիչ և տեսուչ կարող են լինել այն անձինք, որոնք աւարտել են, 1) Համալսարան, 2) Ճեմարանի լսարաններ, 3) Հայոց Թեմական դպրանոցներ, 4) Պետական միջնակարգ դպրոցներ*, 5) պետական ուսուցչական սեմինարիա, 6) որոնք ունին ուսուցչութիւն անելու պետական իրաւունք, 7) որոնց թոյլ կտայ կետրոնական Ուսումնարանական խորհուրդը իրրեւ բացառութիւն:

Յօդ. 17. Ուսուցիչները արձակուում են նոյն կարգով, ինչպէս տեսուչները (Յօդւած 13): Գրաւոր ու պատճառաբանուած առաջարկը պէտք է տրուի տեսչին՝ իրրեւ Խառն Ժողովի նախագահին:

Յօդ. 18. Քառամեայ և վեցամեայ Խառն դպրոցները պիտի ունենան առնուազը մի ուսուցչուհի, իսկ երկամեայ խառն դպրոցները, եթէ տղամարդ ուսուցչի են յանձնուած, պէտք է ունենան մի վերահսկող կին:



*) Մանօր. Պետական դպրոցներ աւարտածները հայերէն աւանդել կարող են, երբ 2-րդի ծրագրով լրացուցիչ քննութիւն տալուց յետոյ, կներկայացնեն Թեմական դպրոցների վարչութիւններին վկայական:

ՇԱՐԱԹԱԿԱՆ ԴԱՍԱՅՈՒՑԱԿ ՀԱՍՏԱՏՈՒԱԾ Ա. ԿԵՏՐՈՆԱ-
ԿԱՆ ԺՈՂՈՎԻՅ

Ա ռ ա Ր Կ ա ն Ե Ր	I	II	III	IV	V	VI	Շարա- թական
1. Կրօնագիտութիւն	2	2	2	2	2	2	12
2. Պատմութիւն	—	—	2	2	4	4	12
3. Քաղաքացիակ. ուսմունք	—	—	—	—	—	1	1
4. Աշխարհագրութիւն	—	—	2	2	2	2	8
5. Իրազննութիւն	2	2	—	—	—	—	4
6. Բնական գիտութիւններ	—	—	3	3	3	3	12
7. Առողջապահութիւն	—	—	—	—	—	2	2
8. Հայոց լեզու	6	6	5	5	5	4	31
9. Ռուսաց լեզու	—	—	5	5	5	4	19
10. Թուաբանութիւն	5	5	4	3	3	3	23
11. Երկրաչափական } ձեւագիտութիւն }	—	—	1	1	1	1	4
12. Նկարչութիւն	2	2	1	2	1	1	9
13. Վայելչագրութիւն	—	1	1	1	—	—	3
14. Երգեցողութիւն	2	2	2	2	2	1	11
15. Զեռագործ } Զեռարուեստ }	2	2	2	2	2	2	12
16. Մարմնամարզութիւն	Մարմնամարզարան ունեցող զըպ- րոցներում իւրաքանչիւր դասարանում 2 ժ. իսկ չունեցողներում՝ օրական 23 ր.						
Ընդ ամենը	21	22	30	30	30	30	163

Մնացած ժամերը մինչև 36 ժամ յատկացւում են տե-
ղական նշանակութիւն ունեցող գործնական պարապմունքներին,
որոնց ընտրութիւնը վերապահւում է տեղական ղապրոցական
վարչութիւններին: